

# Danske reformationssalmer

MELODIER OG TEKSTER 1529-1573

## Hans Vingaard: En Ny Psalmebog 1553

**Dies est lætitiae**

[9v]

Dies est leticie in ortu regali.

DJes est leticie/  
in ortu regali/  
Nam processit hodie/  
de ventre virginali.  
Puer admirabilis/  
totus delectabilis/  
in humanitate/  
qui in æstimabilis/  
est et ineffabilis/  
in diuinitate.

\* Mater hec est Filia/  
pater hic est natus/  
Quis audiuit talia  
Deus homo natus/  
Seruus hic est dominus/  
qui vbique cominus/  
nescit comprehendere.  
Presens est et eminus/

stupor ille geminus/  
Nescit comprehendi

\* In obscuro nascitur/  
illustrator solis  
Stabulo reponitur  
princeps terræ molis/  
Fatigatur dextera/  
qui et fecit sidera/  
qui celos ascendit.  
Concrepat vagitibus  
qui tonat in nubibus/  
et celos ascendit

10r

|\* Orto Dei filio/  
virgine de pura/  
Vt rosa de lilio/  
stupescit natura/  
quem parit iuuencula/  
natum ante secula/  
creatorem rerum/  
quod vber mundicie/  
dat lac pudicitie/  
antiquo dierum

\* Vt vitrum non leditur  
sole penetrante/  
Sic illesa creditur/  
post partum et ante/  
Felix hec puerpera/  
cuius casta viscera  
Deum genuerunt/  
Et beata vbera/  
in etate tenera  
Christum lactauerunt

\* Angelus pastoribus

iuxta suum gregem/  
Nocte vigilantibus/  
Natum celi regem/

Nunciat cum gaudio/  
iacentem in præsepio/  
infantem pannosum/  
Angelorum dominum/  
et pre natis hominum  
forma speciosum

\* Orbis dum describitur/  
virgo pregnans ibat/  
Bethlehem cum nascitur/  
Deus qui nos scribat  
Angelorum curia/  
Que canebant Gloriam  
noue dignitatis  
Deus in sublimibus/  
det pacem hominibus  
bone voluntatis

Christe qui nos propriis  
manibus feci|sti/  
et pro nobis omnibus/  
nasci voluisti/  
Te deuote poscimus/  
laxa quod peccauius/  
ne sinas perire/  
quod cruore proprio  
redemisti gaudio/  
fac ad te venire

10v